

ТИББИЁТДА ҚЎЛЛАНИЛИШИГА ДОИР ЙЎРИҚНОМА «ГЕРБИОН® СИРОП ПЕРВОЦВЕТА»

Препаратнинг савдо номи: «Гербион® сироп первоцвета»

Таъсир этувчи моддалар (ХПН): Наврўзгул ва тоғжамбил экстрактлари

Дори шакли: сироп

Таркиби:

фаол моддалар: наврўзгул илдизининг суюқ сувли экстракти ва тоғжамбил гиёҳининг суюқ сувли экстракти.

5 мл сироп (1 ўлчов қошиғи): 3,08 г наврўзгул илдизининг суюқ сувли экстракт аралашмаси (*Primula veris* L. ёки/ва *Primula elatior* (L.) Hill, *radix*) ва тоғжамбил ўти (*Thymus vulgaris* L. ёки / ва *Thymus zygis* L., *herba*) сақлайди, бу 0,22 г – 0,51 г наврўзгул илдизи ва 0,62 г тоғжамбил ўтларига эквивалент;

Экстрагент: сув;

ёрдамчи моддалар: левоментол, сахароза ва метилпарагидроксibenзоат.

Таърифи: Ўзига хос хидга ва таъмга эга бўлган жигарранг сироп. Келиб чиқиши табиий бўлган моддалар учун ўзига хос бўлган катта бўлмаган чўкманинг мавжуд бўлишига йўл қўйилади.

Фармакотерапевтик гуруҳи: Балғам кўчирувчи восита.

АТХ коди: R05C

Фармакологик хусусиятлари

Препарат балғам кўчирувчи, шамоллашга қарши, микробларга қарши таъсирга эга; балғамнинг елимшаклигини пасайтириш ва уни яхшироқ кўчишига ёрдам беради.

Қўлланилиши

«Гербион® сироп первоцвета» ўзи билан гиёҳлардан олинган дори препаратини тақдим этади, балғам кўчишини енгиллаштириш учун қуйидагиларда тавсия қилинади:

- куюқ бронхиал секретнинг ажралиб чиқишини қийинлаштириш билан кечувчи респиратор яллиғланиш касалликларида (бронхит, бронхиолит, фарингит),
- йўтал билан кечувчи шамоллаш касалликлари ва грипп.

Қўллаш усули ва дозалари

Катталарга тавсия этилган доза кунига 3 - 4 марта 2 ўлчов қошиғида сиропни ташкил қилади.

Болаларда ва ўсмирларда қўллаш

Катталарга ва 16 ёшдан ошган болалар тавсия этилган доза кунига 3 - 4 маҳал 2 ўлчов қошиғида сиропни ташкил қилади.

10 - 16 ёшдаги болаларда сиропни 1-2 ўлчов қошиғидан кунига 3 маҳал қўллаш керак.

4 - 10 ёшдаги болаларда сиропни 1 ўлчов қошиғидан кунига 3 маҳал қўллаш керак.

4 ёшдан кичик болаларда қўллаш тавсия этилмаган.

Препаратни қабул қилгандан кейин дарҳол таом ёки ичимликларни истеъмол қилманг, чунки улар оғиш бўшлиғи ва томоқнинг шиллик қаватидан препаратни тез ювиб юбориши мумкин.

Сиропни қабул қилиш вақтида илиқ сувни етарлича миқдорда истеъмол қилиш тавсия этилади.

Агар даволаш даврида яхшиланиш бошланмаётган ёки симптомлар оғирлашаётган, ёки янги симптомлар пайдо бўлаётган бўлса, шифокор билан маслаҳатлашиш зарур бўлади.

Истеъмол қилишдан олдин чайқатилсин.

Ножўя таъсирлари

Барча дори препаратлари каби, мазкур препарат ҳам ножўя самараларни чақириши мумкин, гарчи улар ҳаммада ҳам пайдо бўлмайди.

Тавсия этилган дозаларда препаратни қўллашда ножўя самаралар кузатилмайди.

Номаълум (эришимли маълумотлар асосида учрашлик тез-тезлигини аниқланиш имкони йўқ)

- *Иммун тизими томонидан бузилишлар*

аллергик реакциялар, юқори сезувчанлик реакциялари (анча оғир ҳолатларда қичишиш билан кузатиб бориловчи юзнинг, тилнинг ва оғиз бўшлиғи ва томоқнинг шиллик қаватини шишганлиги, яъни Квинке шиши).

- *Меъда-ичак йўллари томонидан бузилишлар*

меъда билан муаммолар, кўнгил айланиши ва қусиш.

Ножўя таъсирлар ҳақида хабар бериб, сиз мазкур дори препаратининг хавфсизлиги ҳақида кўпроқ маълумотларни тақдим этишда ёрдам беришингиз мумкин.

Қўллаш мумкин бўлмаган ҳолатлар

Препарат компонентларига, ҳамда первоцет оиласига ва ламиумлилар оиласига мансуб гиёҳларнинг фаол моддаларини сақловчи препаратларига нисбатан юқори сезувчанлик; гастрит ёки меъда ярасида қўллаш мумкин эмас.

Дориларнинг ўзаро таъсири

«Гербион® сироп первоцвета» препаратини йўталга қарши препаратлар ва балғам ҳосил бўлишини камайтирувчи дори воситалари билан бир вақтда қўллаш ярамайди, чунки бу суюлтирилган балғамнинг кўчишини қийинлаштиради.

Махсус кўрсатмалар

«Гербион® сироп первоцвета» ўз таркибида сахарозани сақлайди ва шунинг учун қандли диабетдан аъзият чекувчи одамларга тавсия этилмаган.

Нафас сиқиши, иситмали қалтироқ ёки йирингли балғам пайдо бўлишида шифокорга ёки фармацевтга маслаҳатга мурожаат қилиш керак.

Ёрдамчи моддалар ҳақида махсус маълумот

«Гербион® сироп первоцвета» препарати таркибига метилпарагидроксибензоат киради, шунинг учун бир қатор ҳолатларда аллергия (шу жумладан кечиккан) реакцияларнинг ривожланишининг эҳтимоли бор.

«Гербион® сироп первоцвета» препарати таркибига сахароза киради, шунинг учун у сахароза/изомальтаза танқислиги, фруктоза кўтараолмаслиги, глюкоза-галактоз мальабсорбцияси бўлган пациентларда қўллаш мумкин эмас.

Сиропнинг 1 дозаловчи қошиқчасида (5 мл) 3,16 г сахароза сақланади. Йўриқномада кўрсатилган препаратни қўлланилишига доир тавсияларга риоя қилишда, пациент бир қабул қилишда 1,58 г.дан (½ дозаловчи қошиқча - 2,5 мл, бу 0,158 нон бирлигига мувофиқ келади) 9,48 г.гача (3та дозаловчи қошиқча - 15 мл, бу 0,948 нон бирлигига мувофиқ келади) сахарозани қабул қилади.

Ҳомиладорлик ва лактация даврида қўлланилиши

Сиропни ҳомиладорлик вақтида ва эмизиш даврида қўллаш ярамайди, чунки ҳомиладорлик вақтида ва эмизиш вақтида қўллаш хавфсизлиги бўйича маълумотлар чеклангандир.

Автомобилни ва мураккаб механизмларни бошқариш қобилиятига таъсири

Препаратнинг транспорт воситаларини бошқариш ва механизмлар билан ишлаш қобилиятига таъсири кузатилмаган.

Дозани ошириб юборилиши

Ҳозирги вақтгача препаратнинг дозасини ошириб юборилиши ҳолатлари ҳақида хабарлар қайд этилмаган.

Сапонин сақловчи препаратларнинг дозасини ошириб юбориш ҳолатида кўнгил айланиши, қусиш, диарея билан намоён бўлувчи меъда-ичак бузилишларининг пайдо бўлиш эҳтимоли бор.

Даволаш: симптоматик ўтказилади.

Чиқарилиш шакли

150 мл сиропдан суюқликни бўлувчи пластмасса тикин ва биринчи очишни назорат қилишли пластик қопқоқ билан ёпилган тўқ шишадан флаконда.

1 флакондан тиббиётда қўлланилишига доир йўриқнома билан биргаликда пластик ўлчов қошиқчаси билан картон пачкага жойлаштирилади.

Сақлаш шароити

Флакон очилгунига қадар:

25°C дан юқори бўлмаган ҳароратда сақлансин. Совутгичда сақланмасин.

Флакон очилгандан кейин:

25°C дан юқори бўлмаган ҳароратда сақлансин. Совутгичда сақланмасин.

Болалар ололмайдиган жойда сақлансин.

Яроқлилик муддати

3 йил.

Яроқлилик муддати ўтгандан сўнг қўлланилмасин.

Сиропни флакон очилгандан кейин 3-ойлик муддатда қўллаш керак.

Дорихоналардан бериш тартиби

Рецептсиз.

Ишлаб чиқарувчи

КРКА, д.д., Ново место, Шмарьешка цеста 6, 8501 Ново место

Ўзбекистон Республикаси ҳудудида дори воситасини сифати бўйича эътирозлар (таклифлар)ни қабул қиладиган ташкилотнинг номи ва манзили:

Ўзбекистон Республикасида «КРКА, д.д., Ново место» Ваколатхонаси

100015, Ўзбекистон Республикаси, Тошкент ш., Афросиёб кўч., 14

Тел.: +99878 150 2828, +99878 150 2929, телефакс: +99878 150 1044